

列

子

列子先於莊子而書最後出史遷不爲立傳學者遂疑爲依託以故注南華者不下數十家獨冲虛祇張湛一注孤行於世唐當塗縣丞殷敬順爲之釋文宋碧虛子陳景元補其遺景元序稱曾於潛山得見徐靈府手寫列子洎盧重元注考新唐書宰相表重元爲盧思道元孫藏用之弟藏用注老子二卷莊子十二卷重元有夢書四卷均載藝文志中今並不傳惟重元所注列子自唐藝文志以下皆不著錄至鄭樵通志焦竑經籍志始有其目余於南北藏書家訪求盧注十餘年今始得於金陵道院書凡八卷楊朱一篇注佚其半其書羽翼張

間有徵引皆與古本相合宰相表云重元
主司勳郎中今稱通事舍人者就其注書時而標題
也沈汾續仙傳云開元二十三年命中書舍人徐嶠通
事舍人盧重元齎璽書迎張果於常州則知重元奉詔
注書之時正官通事舍人之時也由唐迄今幾及千載
歷代搜竒好古之士網羅放失不遺餘力而盧注未經
采錄夾漈弱侯號稱淹博縹緲什襲又不廣爲流通向
非入之道家遞相纂述不幾終遭沉晦耶傳寫日久譌
謬滋多爲之是正文字辨張盧字句之異同補殷陳釋
文所未備其有烏焉魚魯灼然可知者隨加刊正不復

存疑或辭義難通字文牽混仍其舊本未敢以臆爲斷
別加考證以相參檢而已校刻既竣復得歙縣汪君孝
嬰補正數條附錄卷末以竢將來懼蹈班生露才揚已
之譏庶守宣聖多聞闕疑之義云爾嘉慶九年甲子正
月七日江都秦恩復序

叙論

唐通事舍人盧重元撰

劉向云列子者鄭人也與鄭穆公同時蓋有道者也其學本於黃帝老子號曰道家道家者秉要執本清虛無爲及其理身接物務崇不競合於六經而穆王湯問二篇迂誕恢詭非君子之言也至於力命篇一推分命楊子篇唯貴放逸二義乖背不似一家之書然各有所明亦頗有可觀者且多寓言與莊周相類故太史公司馬遷不爲列傳張湛序云其書大畧明羣有以至虛爲宗萬品以終滅爲驗神慧

○案張湛序作惠

以凝寂常全想念以

著物自喪生覺與化夢等情巨細不限一域窮達無假
智力理身貴於肆任順性則所之皆適水火可蹈忘懷
則無幽不照此其旨也然所明往往與佛經相參大歸
同於老莊重元以爲黃老論道久矣代無曉之者咸以
情智辯其真宗則所諭雖多同歸於不了所詮雖衆但
詳其糟粕莫不以大道元遠遙指於太虛之中道體精
微妙絕於言詮之表遂使真宗幽翳空傳於文字至理
虛無但存其言說曾不知道之自我假言以爲詮得意
忘言離言以求證徒以是非生滅之思慮因情動用之
俗心矜彼道華求名喪實我開元聖文神武皇帝知道

爲生本至德非言廣招四方傍詢萬宇冀有達其元理
將欲濟於含生小臣無知偶慕斯道再承聖旨重考微
言謹尋列子之書輒詮註其宗要竊懷智此○案此非
欲指南儻默契於希夷猶元珠於象罔是所願也非敢
望焉論曰夫生者何耶神與形會也死者何耶神與形
離也形有生死神無死生故老子曰谷神不死死而不
亡者壽也然此之死生但約形而說耳若於神用都無
死生神本虛元契真者爲性形本質礙受染者爲情至
人忘情歸性則近道凡迷矜性殉情則喪真是故隳支
黜忍道者之恒性貪生惡死在物之常情不矜愛以損

二、祈名而棄寶故莊子曰爲善無近名爲惡無近刑
緣督以爲經可以養生可以盡年也代人以求於名
則縱心爲惡此又失之遠矣何則人笑亦笑人號亦號
人之所畏不可不畏復安得爲不善耶是知神爲生主
形報神功神有濟物之功形有尊崇之報神有害物之
用報有賤陋之形故神運無窮形有修短報盡則爲死
功著則別生亦由清白者遷榮貪殘者降黜約位而說
也形不變則位殊約神而辯也神不易而形改至人了
知其道故有而寶真真神無形心智爲用用有染淨凡
聖所以分在染溺者則爲凡居清淨者則爲道道無形

質但離其情豈求之於冥漠之中辯之於恍惚之外耳
故老子曰吾道甚易知甚易行而不能知不能行其故
何也代人但約形以爲生不知神者爲生主約氣以爲
死不知神者爲氣根繫形則有情迷神則失道封有感
本溺喪忘歸聖人嗟其滯執之如此也乃歎夫知道者
不易逢矣故曰千里一賢猶如比肩萬代有知不殊朝
暮者惜之深矣豈不然耶儻因此論以用心去情智以
歸本損之又損爲於無爲然後觀列子之書斯亦思過
之半矣

列子卷一

唐通事舍人盧

天瑞第一

夫羣動之物無不以生爲主徒觀其生不知生生之理生化者有形也生生者無象

也有形謂之物無象謂之神迹可用也類乎陰陽論其真也陰陽所不測故易曰陰陽不測之謂神豈非天地之中大靈瑞也故曰天瑞

子列子居鄭圃四十年人無

○案殷敬順釋文作无下同

識者國君

卿大夫眎之猶衆庶也國不足將嫁於衛不足年饑也

弟子曰先生往無反期弟子敢有所謂也請先生將何

以教先生不聞壺丘子林之言乎子列子笑曰壺子何

言哉雖然夫子嘗語伯昏瞽人吾側聞之試以告女其

言曰有生不生有化不化不因物生不為物化故能不

生者能生生不化者能化化生者不能不生化者不能

不化凡有生則有死為物化者常遷故常生常化常生

常化者無時不生無時不化陰陽爾四時爾為陰陽所

者皆有形之物也念念遷化不生者疑獨神無方比故

生死無窮故常生常化矣曰獨立而不改也疑者不稱獨也老子

敢決言以明深妙者也不化者往復其際不可終疑

獨其道不可窮四時變易不可終也神黃帝書曰谷神

不死是謂元牝元牝之門是謂天地之根綿綿若存用

之不勤谷虛而氣居其中形虛而神處其內元者妙而

門也有形之本故曰根也視之故生物者不生物者

不見用之無窮故曰若存者也

不化

此神爲生之主能生物此物無物能生化之者

自生自化自形自色自智

○案張湛本

自力自消自息謂之生化形色智力消息

者非也

神有獨運非物能使若因情

子列子曰昔者聖

人因陰陽以統天地

夫有形之物皆有所生以運行之

陽也陰陽氣之所變無質無形天地因之以見生殺也

陰陽易辯神識難明借此以喻彼以爲其例然後知神

有其生也夫有形者生於無形則天地安從生

天地

大者也陰陽者非神識也有形若生於無形者天地豈

有神識心性乎若其無者從何而生耶假設此問者將

明萬物者

故曰有太

○案釋文

易有太初有太始有太

素太易者未見氣也太初者氣之始也太始者形之始

太素者質之始也氣形質具而未相離故曰渾淪渾

淪者言萬物相渾淪而未相離也視之不見聽之不聞

循之不得故曰易也易無形埒

○案釋文作時乾鑿易度作畔淮南子作埒

變而爲一一變而爲七七變而爲九九變者究也乃復變而爲一一者形變之始也清輕者上爲天濁重者下

爲地冲和氣者爲人故天地含精萬物化生

一三五七九陽之數

也極則反一運行無窮易曰本乎天者親上本乎地者親下親下者草木之類是也親上者含識之類是也故動物有神植物無識無識者爲氣所變有神者爲識所遷故云太易太初以至渾淪言氣之漸也其中精粹者謂之爲神神氣精微者爲賢爲聖神氣雜子列子曰天濁者爲凡爲愚乃至含生差別則多品矣
地無全功聖人無全能萬物無全用故天職生覆地職形載聖職教化物職所宜然則天有所短地有所長聖

有所否物有所通何則生覆者不能形載形載者不能
教化教化者不能違所宜宜定者不出所位故天地之
道非陰則陽聖人之教非仁則義萬物之宜非柔則剛
此皆隨所宜而不能出所位者也氣運者能覆載神運
者能教化然則天地
生萬物聖人
隨狀而用之故有生者有生生者有形形者有
聲者有聲聲者有色者有色色者有味者有味味者有
之始謂之生能生此生者謂之形神能形其形能聲
其聲能色其色能味其味者皆神之功以無制有生
之所生者死矣而生生者未嘗終形之所形者實矣而
形形者未嘗有聲之所聲者聞矣而聲聲者未嘗發色
之所色者彰矣而色色者未嘗顯味之所味者嘗矣而

味味者未嘗呈皆無為之職也神所運用有始必終形聲色味皆非自辯者也

所以潛運者乃神之功能陰能陽能柔能剛能短能長

高焉無為而無不為也能圓能方能生能死能暑能涼能浮能沉能宮能商能

出能沒能元能黃能甘能苦能羶能香無知也無能也

而無不知也而無不能也老子曰吾不知誰之子象帝

鬼神帝無能知者無能證者若能體證子列子適衛食

於道從○案釋文作徒曰者見百歲髑髏攬蓬○案釋

音蓬蒿也蓬而指顧謂弟子百豐曰唯子與彼知而未

嘗生未嘗死也形則有生有死神也無死無生我如神

其神未死此過養乎此過歡乎既受其形則歡養種有幾

嘗生死

若蠅爲鷄得水爲鹽得水土之際則爲蠅蟻之衣生於
陵屯則爲陵烏陵烏得鬱栖則爲鳥足鳥足之根爲蟻
螯其葉爲胡蝶胡蝶胥也化而爲蟲生竈下其狀若脫
其名曰駒撮駒撮千日化而爲鳥其名曰乾餘骨乾餘
骨之沫爲斯彌斯彌爲食醯願輅食醯願輅生乎食醯
黃輅食醯黃輅生乎九猷九猷生乎瞽芮瞽芮生乎腐
罐羊肝化爲地臯馬血之爲轉鄰也人血之爲野火也
鷄之爲鷄鷄之爲布穀○案釋文作穀本又作穀穀穀
古字通老子不穀亦作不穀
布穀久復爲鷄也燕之爲蛤也田鼠之爲鴽也朽爪之
爲魚也老非之爲莧○案釋文作莞音官也老踰之爲

一作莧轉寫誤也

也老踰之爲

援也魚卵之爲蟲豈爰之獸自孕而生曰類河澤之鳥
視而生曰鵲純雌其名大暑純雄其名穉蜂思士不妻
而感思女不夫而孕后稷生乎巨跡伊尹生乎空桑厥
昭生乎濕醯雞生乎酒羊奚比乎不苟○素莊子作
尊合下句讀久
竹生青寧青寧生程程生馬馬生人人久入於機萬物
皆出於機皆入於機乎種之類也言種有類乎亦互相生
乎設此問者欲明神之所適則爲
生神之所去則爲死形無常主神無常形耳神本無期
形則有疑一受有形之質猶機關繫束焉生則爲出死
則爲入黃帝書曰形動不生形而生影聲動不生聲而生
響無動不生無而生有形有所生不能生無影響是也
神而無形動則生有萬類是也
形必終者也天地終乎與我偕終大小雖殊同
歸於盡耳終進乎

不知也

進當為盡假設問者言天地有終盡乎為復不知乎其下自答也

道終乎本無

始進乎

○案張湛本有本字

不久有生則復於不生有形則復於

無形

凡有始有終皆本乎無始歸於不有今從太初渾淪而言之是有始也安得不終乎安得不盡乎

不生者非本不生者也無形者非本無形者也

○所不言神

者非本不曾生也萬物所以生羣品所以形皆神之所運也以其能生生而即體無生滅耳是非都無形生同夫太虛生者理之必終者也終者不得不終亦如生者

之不得不生而欲恒其生盡

○案張湛注盡亡也釋文云畫胡麥切計策也一本

作盡於其終惑於數也

有生之物必有終極亦如和氣萌達草木不得不生而欲令長

生者迷於精神者天之分

○案釋文作又又當作十至數者也

神者天之有骨骸者地之有

骨骸者地之分屬天清而散屬地濁而

聚精神離形各歸其真故謂之鬼鬼歸也歸其真宅明神

離於形謂之死也歸真宅反乎太清也以太清為真宅者明此形骸而為虛假耳黃帝曰精神

入其門骨骸反其根我尚何存凡人有情情多者愛溺深而

情少者嗜欲薄唯至人無我了識其神凡人不知封人執彌厚令神歸乎真形歸乎地向時之我竟何在耶人

自生至終大化有四夫嬰兒者是非未生乎心也故德

必多衰老烝柔更近於嬰孩也少壯也老耄也死亡也道命之終極乃休息焉

其在嬰孩氣專志一和之至也物不傷焉德莫加焉其

在少壯則血氣飄溢欲慮充起物所攻焉德故○案釋文作殷

正也一本作故衰焉其在老耄則欲慮柔焉體將休焉物莫先

焉雖未及嬰孩之全方於少壯間矣其在死亡也則之

於息焉反其極矣

近於性則體道惑於情則喪真故舍德之厚比於赤子倦而不作猶為次

馬方之馳競大可也

孔子遊於太

○案釋文作大音泰

山見榮啟期行乎

郕之野鹿裘帶索鼓琴而歌孔子問曰先生所以樂何

也對曰吾樂甚多天生萬物唯人為貴而吾得為人

一樂也男女之別男尊女卑故以男為貴吾既得為男

矣是二樂也人生有不見日月不免襁褓

○釋文作者保或作緜

吾既已行年九十矣是三樂也貧者士之常也死者人

之終也處常得終當何憂哉孔子曰善乎能自寬者也

夫大冶鑄金依範成質故神為其範羣形以成男女修短陰陽已定矣何者神運其功形為功報耳形既不能自了神者未形已知啟期暮年方始為樂是知道之林晚情滯於形夫子但善其自寬未許其深達至道

類年且百歲底春被裘拾遺穗於故畦並歌並進孔子
適衛望之於野顧謂弟子曰彼叟可與言者試往訊之
子貢請行逆之壠端面之而歎曰先生曾不悔乎而行
歌拾穗林類行不留歌不輟子貢叩之不已乃仰而應
曰吾何悔邪子貢曰先生少不勤行長不競時老無妻
子死期將至亦有何樂而拾穗行歌乎林類笑曰吾之
所以爲樂人皆有之而反以爲憂仁者不憂智者不懼
之是以君子不戚戚於貧賤不遑遑於富貴少不勤行長
貴人不達此反以爲憂汝亦何怪於我也不競時故能壽若此
勤於非分之行競於命外之時求知命而老無妻子死期將至故能樂若此
勞生苦心豈得此壽

能延人壽命居常待終心無憂戚是以能樂若此也子貢曰壽者人之情死者人之惡子以死爲樂何也林類曰死之與生一往一反故死於是者安知不生於彼故吾知其不相若矣吾又安知營營而求生非惑乎亦又安知吾今之死不愈昔之生乎知形有代謝神無死生一往一來猶朝與暮耳何故營營貪此而懼彼哉子貢聞之比喻其意還以告夫子夫子曰吾知其可與言果然然彼得之而不盡者也死此生彼必然之理也林類所言子安知者是疑似之言耳故云未盡子貢倦於學告仲尼曰願有所息仲尼曰生無所息子貢曰然則賜息無所乎仲尼曰有焉耳望其壙畢如也宰如也墳如也鬲如也則知所息矣子貢曰大哉死乎君

子息焉小人伏焉仲尼曰賜汝知之矣人胥知生之樂

未知生之苦知老之憊未知老之佚知死之惡未知死

之息也夫生者動用之質也唯死乃能休息耳亦猶太陽流光羣物皆動君子徇名小人徇利未嘗休

也止晏子曰善哉古之有死也仁者息焉不仁者伏焉死

也者德之徽也古者謂死人爲歸人夫○案張湛言死本無夫字

人爲歸人則生人爲行人矣行而不知歸失家者也一

人失家一世非之天下失家莫知非焉老子曰歸根曰靜靜曰復命復

命曰常知常曰明不知常妄作凶神之有形一期之報

迷本執有勞神苦心疲亦極矣唯死也乃歸乎真猶脫桎梏而捨負擔也貪生惡死者苟戀乎有曾

不知歸於本焉而天下不以爲非迷者多矣有人去鄉

土離六親廢家業遊於四方而不歸者何人哉世必謂

之為狂蕩之人矣又有人鍾

○案釋文作種音重

賢世矜巧能修

名譽誇張於世而不知已者亦何人哉世必以為智謀

之士此二者胥失者也而世與一不與一唯聖人知所

與知所去

夫棄本逐末勞神苦心順情之與求名逐欲之與徇利二者俱失也何厚何薄哉而羣所

謂則舉世為是也凡執所滯則舉世為非矣唯有道者

知去與焉故莊子云臧與穀二人俱牧羊俱亡羊一則

博塞問一則讀書善惡雖殊亡羊一也苟失道則游方

之與修學夫何遠哉○案莊子問臧奚事一曰博塞問

穀奚事一曰讀書盧注博塞下多一問字當是衍文或謂子列子曰子奚貴虛列

子曰虛者無貴也子列子曰非其名也莫如靜莫如虛

靜也虛也得其居矣取也與也失其所矣

或問貴虛答曰無貴吾所

以好虛者非為名也夫虛室生白吉祥止耳唯靜唯虛

得其居矣若貪求取與神失其安然後名利是非紛競

交湊將何以堪之故虛非我貴耳
○案吉祥止耳據莊子當作止止事之破礪而後有舞
仁義者弗能復也
吾所言虛是修於未亂耳若使真性破毀心神汨昏更弄仁義之辭教易
情之波蕩故粥熊曰運轉亡已天地密移疇覺之哉故
不能克復矣
物損於彼者盈於此成於此者虧於彼損盈成虧隨世
隨死往來相接間不可省疇覺之哉凡一氣不頓進一
形不頓虧亦不覺其成亦不覺其虧亦如人自世至老
貌色智態亡日不異皮膚爪髮隨世隨落非嬰孩時有
停而不易也間不可覺俟至後知
夫心識潛運陰陽鼓作故形體改換天地
密移損益盈虛誰能覺悟所以
貴夫道者知本而不憂亡也
杞國有人憂天地崩墜
身亡所寄廢寢食者又有憂彼之所憂者因往曉之曰

天積氣耳亡處亡氣若屈伸呼吸終日在天中行止奈何憂崩墜乎其人曰天果積氣日月星宿不當墜耶曉之者曰日月星宿亦積氣中之有光耀者只使墜亦不能有所中傷其人曰奈地壞何曉者曰地積塊耳充塞四虛亡處亡塊若躇步跼蹐終日在地上行止奈何憂其壞其人舍然大喜曉之者亦舍然大喜

天爲積氣何處無氣也地

爲積塊何處無塊也塊無所隱氣無所崩日月是氣中有光者汝何憂於崩墜乎

長廬○案釋文作盧

漢書藝文志有長廬子九篇廬廬古字通

子聞而笑之曰虹蜺也雲霧也風

雨也四時也此積氣之成乎天者也山岳也河海也金

石也火木也此積形之成乎地者也知積氣也知積塊

也奚謂不壞夫天地空中之一細物有中之最巨者難終難窮此固然矣難測難識此固然矣憂其壞者誠爲大遠言其不壞者亦爲未是天地不得不壞則會歸於壞遇其壞時奚爲不憂哉積氣積塊以成天地有積有壞時不得見若遇其壞時不得不憂子列子聞而笑曰言天地壞者亦謬言天地不壞者亦謬壞與不壞吾所不能知也雖然彼一也此一也故生不知死死不知生來不知去去不知

來壞與不壞吾何容心哉

夫天地者物之大者也形體者物之細者也

也細者亦一物也有物必壞何用辯之哉且人生不知死死不知生來去不自知成壞不能了近取諸己且未知能知亦何須用心於天舜問乎丞○案釋文作丞謂輔弼疑丞之官一本作

地而憂辯於物外耶

舜問乎丞

○案釋文作丞謂輔弼疑丞之官一本作

烝曰道可得而有乎由汝身非汝有也汝何得有夫道

夫汝我者自他形稱耳非謂神明也俗以已身為我前人爲汝欲有其道安可得乎故曰汝身非汝有安得有

道舜曰吾身非吾有孰有之哉曰是天地之委形也生

非汝有是天地之委和也性命非汝有是天地之委順

也孫子非汝有是天地之委蛻也故行不知所往處不

知所持食不知所以天地強陽氣也又胡可得而有邪

既不知神明之爲道也故假天地以言之天主神用地

主形物涉有者委形也體和者生性也應用者委順也

情育者委蛻也汝今行止食息但知強陽之所運而不

知神明之真宰也亦可得有夫道者邪或曰虞舜聖人

也安得不知道乎答曰夫假賓主辯惑豈可元默而已

耶然莊子曰卜梁倚有聖人之才而無聖人之道我有

聖人之道而無聖人之才是有獨善之名者未必能

位者未必能知道處山林之下有獨善之名者未必能

理人是故黃帝即位三十年然後夢華胥之國放勳見乎四子然後甯然汾水之陽舜之未寤亦何足怪之

齊之國氏大富宋之向氏大貧自宋之齊請其術國氏告之曰吾善爲盜始吾爲盜也一年而給二年而足三年大壤自此以往施及州閭向氏大喜喻其爲盜之言而不喻其爲盜之道遂踰垣鑿室手目所及亡不探也未及時以賊獲罪沒其先居之財向氏以國氏之謬已也往而怨之國氏曰若爲盜若何向氏言其狀國氏曰嘻若失爲盜之道至此乎今將告若矣吾聞天有時地有利吾盜天地之時利雲雨之滂潤山澤之產育以生吾未殖

○案釋文作植

吾稼築吾垣建吾舍陸盜禽獸水盜魚

斃亡非盜也夫禾稼土木禽獸魚鼈皆天之所生豈吾

之所有然吾盜天而亡殃夫金玉珍寶穀帛財貨人之

所聚豈天之所與若盜之而獲罪孰怨哉夫天地不仁以萬物為芻

狗既無情於生育豈有心於取與哉小大相吞智愚相

役因時以興利力制以徇私動用取與皆為盜也人財

則不爾主守以自供取之獲罪此復怨誰也向氏大惑以為國氏之重罔已

也過東郭先生問焉東郭先生曰若一身庸非盜乎盜

陰陽之和以成若生載若形况外物而非盜哉誠然天

地萬物不相離也○案張湛本作認認俗字當作似

仇人之事者敗又與而有之皆惑也國氏之盜公道也

充初之物通物滿也故亡殃若之盜私心也故得罪天地無私取之無對故

無殃也人心有私取之

有情故爲盜也。以有私之心取有私之物，私則有公私。有對得罪何疑？故法者禁人之私，無對無禁也。有公私者亦盜也。亡公私者亦盜也。聖人設法教化，不害人不者，則爲公道。違於法者，則爲私道。馬雖不違公，公亦私。私於公而封於己者，亦爲盜也。况違法封己乎？公亦私。私天地之德，知天地之德者，孰爲盜邪？孰爲不盜邪？知私而無私焉，與物同例而不怪者，是天地之德也。若知天地之德，取而無私心者，是不欺乎天，取之不殊於衆人。得之無私，不爲盜。若然者，誰爲盜耶？誰爲不盜耶？唯了神悟道者知之矣。

列子卷一

嘉慶八年癸亥夏四月廿泉吳漣寫
江都秦伯敦父校刊計十一葉

列子卷二

唐通事舍人盧重元解

黃帝第二

此明忘形養神從元默以發真智始其養也則遺萬有而內澄心發其智則化含生

以外接物故其初也則齋心服形不親政事其末篇也則贊孔墨以濟人焉此其大旨

黃帝即位十有五年喜天下戴己養正命娛耳目供鼻

口焦然肌色𦔻黯

○案釋文曰音每諸書無此字埤蒼作𦔻同音每謂禾傷雨而生黑斑點

也𦔻黯亦然也復謂𦔻說文無此字𦔻俗𦔻字當作𦔻楚辭漁父顏色憔悴王逸注𦔻𦔻黑也昏然五

情爽惑

舉代之人咸以聲色飲食養其身唯豐厚者則為富貴矣而聖人知此道足以傷生故焦然不

樂也第一篇知神為生主第二篇欲明道以養身故先示衆人之所溺然後漸次而進之又十有五

年憂天下之不治竭聰明進智力營百姓焦然肌色𦔻

黷昏然五情爽惑

代謂之君子理人之士也皆勞生苦

而不知役神以喪實去道斯遠矣

黃帝乃喟然讚曰朕之過淫矣養一

己其患如此治萬物其患如此

淫者失於其道也含生

為生不知所生而之死也操仁義者咸知徇名以取

利自私以為能亦不知所以喪神傷生而知死也徇己

則有殊求名喪實約內則俱失方明大道故雙非之也

於是放萬機舍官○案釋文作官寢去直侍徹鐘懸減厨膳退

而間居大庭之館齊心服形三月不親政事

放萬機者非謂都無

所行也事至而應如四時焉故曰天何言哉四時行焉

百物生焉不勞焦思以邀虛名不想能於千載欲垂芳

於竹帛耳但冥冥然應用不得已而運之不放肆於淫聲齋肅

其名不增加其嗜慾不豐厚其滋味不放肆於淫聲齋肅

其心退伏其體三月者一時也孔子曰顏回三月不違

仁是也擇賢才而責成賞罰無私焉是不親政事也

晝寢而夢遊於華胥氏之國華胥氏之國在弇州之西

台州之北不知斯齊國幾千萬里盖非舟車足力之所

及神游而已其國無師

○案張湛本作師釋文所類切或作師

長自然而

已其民無嗜欲自然而已不知樂生不知惡死故無夭

殤不知親已不知疎物故無愛憎不知背逆不知向順

故無利害都無所愛惜都無所畏忌入水不溺入火不

熱斫撻無傷痛指撻無瘡癢乘空如履實寢虛若處牀

雲霧不礙其視雷霆不亂其聽美惡不滑其心山谷不

躓其步神行而已

寄言也齋心服形神與道合則至其大國矣夫神者生之主也既為生主

則役神以養生養之失理却成於損也俗以益嗜欲者為養生適為喪年之本矣故君子養於性小人養於情

養性者無嗜欲保自然不樂生不惡死無向背憎愛無
畏忌自然神行者神合於道也非是別有一國別類之
人耳故曰仁道不遠行之則黃帝既寤怡○案俗本作悟然自
至一言契者交臂相得焉

得召天老力牧太山稽告之曰朕閒居三月齋心服形
思有以養身治物之道弗獲其術疲而睡所夢若此今
知至道不可以情求矣朕知之矣朕得之矣而不能以
告若矣又二十有八年天下大治幾若華胥氏之國而

帝登假百姓號之二百餘年不輟既寤於道也自不因

者冥於理去嗜欲也識神歸性不可以情求也不能以
告若者心澄忘言也凡以數理天下者但成其空名數
極則跡見虛而不能實也上以虛名責於下下以虛名
應於上上下下相蒙積虛以爲理欲求純素其可得乎夫
道者神契理合應物以真非偏善於小能不暴怒於小
過如春之布萬物皆生俗易風移自然而化不知所以

化不覺所以成故百列姑射山在海河洲中○案釋文
姓思之不知其極也曰姑射國在海中西南環之從國南水行百里曰姑射
之山又西南行三百八十里曰姑射山郭云河水所經
海上也言遙望諸姑射山行凡兩見東山經云盧其之
山海經不同姑射山曰姑射之山無草木多水又南水
山又南三百八十里曰姑射之山無草木多水又南水
行三百流沙百里曰姑射之山無草木多水又南水
百里曰南姑射之山無草木多水又南水又南水
在海河洲中郭璞注山名也山有神人河洲在海中河
水所經者莊子所謂藐姑射之山也經又曰姑射國在
海中屬列姑射西南山環之考東山經之姑射在臨汾
縣見隋書地理志即今平陽府西之九孔山左右前後
並無所謂南北姑射者則東山經之北姑射南姑射二
條當在海內北經西南山環之之下故順所引山海經
乃唐時之本且言諸姑射山行列在海河之間解列字
之義尤為明據又云此章與山海經畧同據此則列子
之吸風飲露云云山海經皆有之今本之脫落錯簡從
可知矣後人因莊子有藐姑射之山汾水之陽之文遂
以為臨汾之姑射畢氏校刊山海經於海內北經列姑

射條下謂姑射在山西郭注誤引莊子殊不知莊子藐姑射之山有神人云云與列子之說同其爲海中之列姑射無疑至堯見四子藐姑射之山汾水之陽乃臨汾之姑射山非列姑射山也上下文絕不相蒙遽以景純爲誤其未之深考歟莊子列作藐陸釋文引簡文云山邀遠也二山之名混淆已久恐誤後學故詳識於此

上有神人焉吸風飲露不食五穀心如淵泉形如處女不偁不愛仙聖爲之臣不畏不怒愿慤爲之使不施不惠而物自足不聚不斂而已無愆陰陽常調日月常明四時常若風雨常均字育常時年穀常豐而土無札傷人無夭惡物無疵厲鬼無靈響焉

此言神之合道也故假以方外之中託以神人之目不因五穀以爲養吐納真氣以爲全心如澄水無波浪之能鼓形如處女無思慮之所營喜怒不入其襟是非不干其用無求無欲同天地之不仁不惠不施正陰陽之生育萬物所不能撓鬼神所不能靈證之

真其功若此也列子師老商氏友伯高子進二子之道乘風

而歸夫神之滯於有則百骸俱破神之契乎真則五根俱通也有通則無遠不暨無破則乘風而行被羽

服以往來託鱗毛以騰躍者故為常尹生聞之從列子

理也非謂其尚奇也而此寓言者也居數月不省舍因間請斬其術者十反而十不告尹生

懟而請辭列子又不命尹生退數月意不已又往從之

列子曰汝何去來之頻尹生曰曩章戴○案釋文作戴一本作戴有

請於子子不我告固有憾於子今復脫然是以又來列

子曰曩吾以汝為達今汝之鄙至此乎姬○案釋文音居姬居聲相

近將告汝所學於夫子者矣昔汝去也吾將謂汝達吾道今汝之懟憾而來知汝

之鄙陋矣自吾之事夫子友若人也三年之後心不敢念是

非口不敢言利害始得夫子一眄而已

專一而不離恭敬以至求顧吾

之行觀吾

五年之後心庚

○案釋文音更即更字也

念是非口庚言

利害夫子始一解顏而笑

三年之後專於定也顧眄而已五年之後越於專其哂明

矣七年之後從心之所念庚無是非從口之所言庚無

利害夫子始一引吾並席而坐

審之而後言欲是非利害无所誤也九年

之後橫心之所念橫口之所言亦不知我之是非利害

歟亦不知彼之是非利害歟亦不知夫子之爲我師若

人之爲我友內外進矣

都无心故是非利害不擇之而後言縱橫者也縱心而言皆合

斯而後眼如耳耳如鼻鼻如口無不同也

眼耳口鼻不用其所能各

任之而无心故云无不同也

心凝形釋骨肉都融不覺形之所倚足

之所履隨風東西猶木葉幹○案釋文作幹音乾不從木殼竟不知

風乘我邪我乘風乎神凝者不動也形釋者无礙也骨肉都融者忘形骸也形骸忘於所

之神念離於所著則今女居先生之門曾未浹時而懟

憾者再三女之片體將氣所不受女之一節將地所不

載履虛乘風其可幾乎尹生甚忤屏息良久不敢復言

列子所以乘風者為能忘其身也老子曰吾所以有大患者為吾有身及吾無身吾有何患也若其形骸之不

忘則一節之重將地所不能載何暇乘風而凌虛哉列子問關尹曰至人潛行不

空○案釋文一本作室易闕其无人陸釋文孟蹈火不作室虞翻注空也空之為室猶亂之訓治也蹈火不

熱行乎萬物之上而不慄請問何以至於此關尹曰是

純氣之守也非智巧果敢之列言至人潛行積德非本空虛者也何如能蹈火

不熱登高不慄乎以明純氣出乎性守神以合道姬魚則能至於此故曰至人也豈智巧果敢所能得耶

○案釋文音吾語女凡有貌像聲色者皆物也物與物吾魚聲相近

何以相遠也夫奚足以至乎先是色而已凡有形者皆物也物皆是色亦何後何先耶而自貴賤物者情感之甚也會則物忘形守神習靜以生慧者然後能通神明者也

之造乎不形而止乎無所化夫得是而窮之者焉得為

正焉忘形守神造乎不形也寶真合道者止乎无所化也若得此道而窮理盡性者何得不為正乎彼

將處乎不深之度而藏乎無端之紀游乎萬物之所終

始至人者言无失德也故不淫其度矣行无失迹也壹故藏乎无端矣常歸其本也故游萬物之終始矣壹

其性養其氣含其德以通乎物之所造性不雜亂唯真與天地合其德

而通於萬夫若是者其天守全其神無郤○案釋文物之性命

○案釋文物之性命

奚自入焉

寶道則性全去情則无卻无
联无迹也外物何從而入焉

夫醉者之墜於

車也雖疾不死骨節與人同而犯害與人異其神全也

乘亦弗知也墜亦弗知也死生驚懼不入乎其胷是故

忤

○案別本作還莊子
亦作還忤還古字通

物而不懼彼得全於酒而猶若

是而況得於天乎聖人藏於天故物莫之能傷也

夫醉
人者

神非合於道也但為酒所全者憂懼不入於天府
死生不傷其形神若得全於神者故物不能傷也列禦

寇為伯昏无人射引之盈貫措杯水其肘上發之鏑矢

復沓方矢復寓當是時也猶象人也

引滿而置水於其
肘上發一箭復沓

一箭猶如泥木象人也志審
神定形不動以致於此也

伯昏无人曰是射之射非

不射之射也當與汝登高山履危石臨百仞之淵若能

射乎

恃其能而安其形審其當耳非謂忘形遺物而以神運者也

於是無人遂登高

山履危石臨百仞之淵背逡巡足二分垂在外揖禦寇

而進之禦寇伏地汗流至踵

躡登高履危而懼若此者憂其身惜其生也曾不知有

其形者適足以傷其生忘其形者適所以成其生禦寇但善於射者非合於道也若忘形全神無累於天下者

乃不射也伯昏無人曰夫至人者上闕青天下潛黃泉揮

斤八極神氣不變今汝怵然有恂

○案釋文音荀何承天纂要云吳人呼瞬

目爲恂目復謂恂當作瞬

目之志爾於中也殆

○案釋文一本作始据注終始初習語疑

盧本作始與張湛本不同

矣夫

夫至道之人自得於天地之間神氣獨主憂樂不能入也今汝尚恐懼之

若此豈近乎道者耶汝於是終始初習耳未能得其妙也

范氏有子曰子華善養私

名舉國服之有寵於晉君不仕而居三卿之右目所偏

視晉國爵之口所偏肥

○案釋文說文字林並作龐又

肥脆俗作脆

肥當作肥故釋文云字从

其省多肉之肥字古作𦛑从尸不從色

庭者侔於朝子華使其俠客以智鄙相攻彊弱相凌雖

傷破於前不用介意終日夜以此為戲樂國殆成俗

偏視

者顧眄之深也偏肥者毀謗之厚也士因其談以為榮

辱故遊其門者比於晉朝而子華使令門客恣其言辯

無所迴避人相

毀辱殆成風俗

禾生子伯范氏之上客出行經垆外宿

於田更○案釋文作叟音西口切三老五商工開之舍

中夜禾生子伯二人相與言子華之名勢能使存者亡

亡者存富者貧貧者富存者亡毀之也亡者存譽之也

而商工開下里不達

將謂聖力所成之也商工開先窘於飢寒潛於牖北聽

之因假糧荷春之子華之門子華之門徒皆世族也縞衣乘軒緩步闊視顧見商工開年老力弱面目黎黑衣

冠不檢莫不眦之既而狎侮欺詒攬揆抗亡所不為

商工開常無愠容而諸客之技單憊於戲笑撫弄輕忽也極者也

狎侮者輕近之也欺詒者狂妄之也攬者觸撥之也揆之也也抗者違拒之也遂與

商工開俱乘高臺於眾中漫言曰有能自投下者賞百

金眾皆競應以愚侮之眾故商工開以為信然遂先投

下形若飛鳥揚於地骯骨無礪范氏之黨以為偶然未

詎怪也因復指河曲之淫隅○案張湛本作隅釋文一本作隅曰彼中

有寶珠泳可得也商工開復從而泳之既出果得珠焉

衆昉同疑子華昉令豫肉食衣帛之次俄而范氏之藏
大火子華曰若能入火取錦者從所得多少賞若商工
閒往無難色入火往還埃不漫身不焦范氏之黨以爲
有道乃共謝之曰吾不知子之有道而誕子吾不知子
之神人而辱子子其愚我也子其聾我也子其盲我也
敢問其道從臺而下若飛焉入水取珠若陸焉入火往來無所傷焉子華門人咸以爲神而有道此見欺怒而不愠者必以我商工開曰吾亡道雖吾之心
等聾盲之輩敢問其道亦不知所以雖然有一於此試與子言之曩子二客之
宿吾舍也聞譽范氏之勢能使存者亡亡者存富者貧
貧者富吾誠之無二心故不遠而來及來以子黨之言

皆實也唯恐誠之之不至行之之不及不知形體之所
措利害之所存也心一而已物亡迄者如斯而已今昉
知子黨之誕我我內藏猜慮外矜觀聽追幸昔日之不
焦溺也怛然內熱惕然震悸矣水火豈復可近哉老子曰大
智若愚者似之而非也但一志無他慮能頓忘其形骸
者則死生憂懼不能入况泯然與道合寶神以會真智
周於宇宙功備羣有者復何得一二論之自此之後范
耶及是非生於心則水火不可近之也氏門徒路遇乞兒馬醫弗敢辱也必下車而揖之宰我
聞之以告仲尼仲尼曰汝弗知乎夫至信之人可以感
物也動天地感鬼神橫六合而無逆者豈但履危險入
水火而已哉商工開信僞物猶不逆況彼我皆誠哉小

子識之

乞兒馬醫皆下人也遇之不敢輕夫子言其至信之感理盡矣

周宣王之牧正

有役人梁鶩者能養野禽獸委食於園庭之內雖虎狼
鷃鵲之類無不柔馴者雄雌在前孳尾成羣異類雜居
不相搏噬也王慮其術終於其身今毛丘園傳之梁鶩
曰鶩賤役也何術以告爾懼王之謂隱於爾也且一言
我養虎之法凡順之則喜逆之則怒此有血氣者之性
也然喜怒豈妄發哉皆逆之所犯也夫食虎者不敢以
生物與之爲其殺之之怒也不敢以全物與之爲其碎
之之怒也時其饑飽達其怒心虎之與人異類而媚養
已者順也故其殺之逆也然則吾豈敢逆之使怒哉亦

不順之使喜也夫喜之復也必怒怒之復也常喜皆不
中也今吾心無逆順者也則鳥獸之視吾猶其儕也故
游吾園者不思高林曠澤寢吾庭者不願深山幽谷理
使然也夫形質各有殊神氣則不異也故莊子云視其
異也則肝膽楚越視其同也則萬物一體矣至
人以神會之也入鳥不亂行入獸不亂羣者逆順同志
而不迂故猛獸可養海鷗可狎也夫禽獸之入深山幽
谷者欲全其身遠人害也苟無其虞則園庭之與山林夫何異哉
顏回問乎仲尼曰吾
嘗濟乎觴深之淵矣津人操舟若神吾問焉曰操舟可
學邪曰可能游者可教也善游者數能乃若夫没人則
未嘗見舟而謾○案莊子操之也吾問焉而不告敢問
何謂也善操舟者能學之也善游浮者串習之也至乎
没人未嘗見舟而得者斯乃神會彼不能達

仲尼曰讒

○案釋文作讒音衣與讒同歎聲也集韻與噫譔同

吾與若玩其文也

久矣而未達其實而固且道與能遊者可教也輕水也

善游者之數能也忘水也乃若夫没人之未嘗見舟

○案

張湛本舟下無也字

也而謾操之也彼視淵若陵視舟之覆猶其

車却也覆却萬物方陳乎前而不得入其舍惡往而不

暇以瓦樞

○案釋文樞樞探也莊子作樞今本莊子作注

者巧以鉤樞者憚以

黃金樞者憊巧一也而有所矜則重外也凡重外者拱

內

見操舟可學者玩其文也若會其真者彼則視水如陵覆溺不入其靈府矣何往而不閑暇哉以瓦投物

者但見其巧中而不憚於失瓦也若以鉤投物則不專

於巧中更恐失鉤之拙也若以黃金為投者不敢祈中

惟懼失金之損矣是知向時之妙忘於外物今時之懼

惜於外物也代人知矜外之兩失而貪物以喪其生○

案拱內莊子作內
拙釋文本作拙

孔子觀於呂梁懸水三十仞流沫三

十里鼃鼃魚鼃之所不能游也見一丈夫游之以爲有

苦而欲死者也使弟子並流而承之數百步而出被髮

行歌而游於塘下

○案張湛
本作棠行

孔子從而問之曰呂梁懸

水三十仞流沫三十里鼃鼃魚鼃所不能游向吾見子

蹈之以爲有苦而欲死者使弟子並流將承子子出而

被髮行歌吾以子爲鬼也察子則人也請問蹈水有道

乎曰亡吾無道吾始乎故長乎性成乎命與齋俱入與

汨偕出從水之道而不爲私焉此吾所以蹈之也孔子

曰何謂始乎故長乎性成乎命也曰吾生於陵而安於

陵故也長於水而安於水性也不知吾所以然而然命

也夫生於陵而安於陵生於水而安於水習以為常故

曰始乎故也長乎性也習其故安其性忽然神會以

成其命得之不自知也故易曰窮理仲尼適楚出於林

中見痾僂者承蜩○索釋文作通音條一本作蜩猶掇之也仲尼曰子

巧乎有道耶曰我有道也五六月繫垸二而不墜則失

者鎋銖纍三而不墜則失者十一纍五而不墜猶掇之

也吾處也若檠株駒吾執臂若槁木之枝○索枝字下別本有雖字

天地之大萬物之多而唯蜩翼之知吾不反側不以萬

物易蜩之翼何為而不得言初學累九也未嘗得之習經半載而能累二不墜矣習

之不已乃至累五而不墜者何耶我身如檠株臂如枯木心一志定都無異思雖萬物之多而知在蜩翼何為

而有不得耶 孔子顧謂弟子曰用志不分乃凝於神其痾僂

丈人之謂乎

專心不雜乃凝於神會也夫子以其未

丈

人曰汝逢衣徒也亦何知問是乎修汝所以而後載言

其上

言夫子之徒皆縫掖之士用仁義以教化於天下

使天下紛然尚名利役智慮而蕩失其真勞其神明者何問此道耶汝垂文字於後代者復欲以言海

智之辯將吾此道載之於文字然○案然字疑作焉海上之人有好漚鳥者每旦之海上從漚鳥游漚鳥之至

者百住而不止其父曰吾聞漚鳥皆從汝游汝取來吾

玩之明日之海上漚鳥舞而不下也故曰至言去言至

爲無爲齊智之所知則淺矣

夫神會可以理通非以情

則萬類無間然後知審精微也同萬物者在於神會趙

同羣有者在於情滅欲獨矜其心智則去道遠矣趙

襄子率徒十萬狩於中山藉苐燔林扇赫百里有一人
從石壁中出隨煙燼上下衆謂鬼物火過徐行而出若
無所經涉者襄子怪而留之徐而察之形色七竅人也
氣息音聲人也問奚道而處石奚道而入火其人曰奚
物而謂石奚物而謂火襄子曰而嚮之所出者石也而
嚮之所涉者火也其人曰不知也魏文侯聞之問子夏
曰彼何人哉子夏曰以商所聞夫子之言和者大同於
物物無得傷闔者游金石蹈水火皆可也文侯曰吾子
奚不爲之子夏曰刳心去智商未之能雖然試語之有
暇矣

前章言游水之不礙此章明火石之不傷言人之
習水者多蹈火者少恐物情之偏執也故復言火

以辯之其內忘形外忘於物不知石之所以礙火之
所以傷文侯不曉而興問子夏素知而善答故文侯重
質子既能知者何不爲之耶子夏曰我但知而說之則
有餘也若行而證之者商則未知之能○素未知之能
知字文侯曰夫子奚不爲之子夏曰夫子能之而能不
疑衍文侯大說言夫子能而不爲者方以仁義禮節
爲者也文侯大說君臣之道以救衰俗耳不獨善其身
以羣鳥有神巫自齊來處於鄭命曰季咸知人死生存

亡禍福壽夭期以歲月旬日如神鄭人見之皆避而走
列子見之而心醉而歸以告壺子曰始吾以夫子之
道爲至矣則又有至焉者矣壺子曰吾與汝既其文未
既其實而固得道與衆雌而無雄而又奚卵焉而以道
與世抗必信矣夫故使人得而相汝列子見鄭巫而心
醉以其能知生死

禍福將以道盡於此壺正子曰吾與汝且亡其文跡都未盡其實理也汝豈得吾道歟夫澄神寂慮如衆雖也動用成功若雄也汝方息事以靜心安得無雄而求耶乃欲以至道與俗巫相敵則汝之深信故鬼物知汝也嘗試與來以予示之明日列子與之見壺子出而謂

列子曰嘻子之先生死矣弗活矣不可以旬數矣吾見

怪焉見濕灰焉列子入涕泣霑衾○案莊子作襟以告壺子壺

子曰向○案莊子作鄉吾示之以地文萌○案張湛本作乎不

詭○案莊子作震據注則不止是殆見吾杜德幾也夫

神之靈能知人之動用之心耳有所繫鬼便知也壺子

色存乎濕灰心著乎土壤萌然無慮故曰天文振動則

爲生止靜則冥寂故曰不動嘗又與來明日又與之見

壺子出而謂列子曰幸矣子之先生遇我也有瘳矣灰

然有生矣吾見杜權矣列子入告壺子壺子曰向吾示

之以天壤名實不入而機發於踵此爲杜權是殆見吾

善者幾也有權而不用爲杜也若天之覆而未見其嘗功自下而升爲名實未入故云有生矣

又與來明日又與之見壺子出而謂列子曰子之先生

坐不齋吾不得而相焉試齋將且復相之列子入告壺

子壺子曰向吾示之以太沖莫朕○案莊子作勝郭注曰勝負莫得措其間

也是殆見吾衡氣幾也鯢旋○案莊子作桓之潘○案莊子爲子作桓之潘作審下同

淵止水之潘爲淵流水之潘爲淵濫水之潘爲淵沃水

之潘爲淵洑水之潘爲淵雍水之潘爲淵汧水之潘爲

淵肥水之潘爲淵是爲九淵焉心運於太冲之氣漠然無跡蕩然有形而轉運

不常若水之變動殊名未嘗離乎淵澄也故不得其狀而辯之矣嘗又與來明日又與

之見壺子立未定自失而走壺子曰追之列子追之而

不及反以報壺子曰已滅矣已失矣吾不及也壺子曰

向吾示之以未始出吾宗吾與之虛而猗移○案猗移莊子作委

蛇不知其誰何因以為茅○案莊子作弟陸釋靡因以

為波流故逃也其絕思離念入於無為至虛而無形不見其相貌如草之靡如波之流淼然汎然

非神巫之所識也然後列子自以為未始學而歸三年不出為

其妻爨食豨○案莊子作豕如食人於事無親雕琢復朴塊然

獨以其形立怵○案莊子作紛然而封戎○案莊子作哉釋壹

以是終志是非等貴賤齊物我息外緣子列子之齊中

道而反遇伯昏瞽人伯昏瞽人曰奚方而反曰吾驚焉

惡乎驚吾食於十漿而五漿先饋伯昏瞽人曰若是則

汝何為驚已曰夫內誠不解形謀成光以外鎮人心使

人輕乎貴老而整○案即說文整字或作整見玉篇其所患夫漿人特

為食羹之貨○案張湛本貨下有無字多餘之贏其為利也薄其為

權也輕而猶若是而况萬乘之主身勞於國而智盡於

事彼將任我以事而效我以功吾是以驚伯昏瞽人曰

善哉觀乎汝處已人將保汝矣見威儀以示人故人輕死以尊敬將恐人主之

勞於事也必委以責功食祿增憂所以驚懼耳伯昏曰汝能退身以全真含光以滅跡人將保汝矣何則進善

之心人皆有之多利之地人皆競之中人之性可上可下知名利之不可強也則進善以自修詩書禮樂事不

易習若退跡守閑灰心滅智也無招招之利得善人之
名故學道之門善惡同趣者君子以澄心小人以誨身
雖不體悟亦從善之益無幾何而往則戶外之屨滿矣
之也故曰人將保汝矣伯昏瞽人北面而立敦杖感之乎願立有間不言而出
賓者以告列子列子提履徒跣而走暨乎門問曰先生
既來曾不廢藥乎廢當為發先生既來何不發藥石之言少垂訓耳曰已矣吾
固告汝曰人將保汝果保汝矣非汝能使人保○案張湛本保
字下有而汝不能使人無汝保也汝之退身全行絕學
非汝能召之也若能滅跡混真愚智不顯者人亦不知
保汝矣由是言之汝之行適足為人所保而不能使人
不保而焉用之感也應○案張湛本作感豫出異且必有感也
搖而本身又無謂也與汝遊者莫汝告也彼所小言盡

人毒也若

○案張湛本作莫下同

覺若悟何相孰也

汝用何道感之耶必讚勝

豫之詞而出奇異之教搖鼓汝舌見能於衆物雖靡然順汝有何益耶與汝同居者不改汝之短但稱汝之長汝之心有何相成耶

楊朱南之沛老聃西遊於秦邀

於郊至梁而遇老子老子中道仰天而歎曰始以汝爲

可教今不可教也楊子

○案張湛本作楊朱

不答至舍進涪漱巾

櫛脫履戶外膝行而前曰向者夫子仰天而歎曰始以

汝爲可教今不可教弟子欲請夫子辭行不問是以不

敢今夫子間矣請問其過老子曰而睢睢而盱盱而誰

與居大白若辱盛德若不足楊朱蹙然變容曰敬聞命

矣其往也舍

○案張湛本舍字下有者字

迎將家公執席妻執巾櫛

舍者避席煬者避竈其反也舍者與之爭席矣

夫真隱之者無

矜夸之聲無可貴之容故楊子之往也人迎送之及聞善而改居者與之爭席矣前章言列子之使人保汝而此章言楊朱能使人無汝保也

楊朱過宋東之於逆旅逆旅人有妾二

人其一人美其一人惡惡者貴而美者賤楊子問其故

逆旅小子對曰其美者自美吾不知其美也其惡者自

惡吾不知其惡也楊子曰弟子記之行賢而去自賢之

行安往而不愛哉

此重結前兩科之義也夫能使人保於我者其不保者心曠之哉不敢令

物之保已也則天下皆忘其惡矣况逆旅之妾乎

天下有常勝之道有不常勝

之道常勝之道曰柔常不勝之道曰彊二者亦知而人

未之知故上古之言彊先不已若者柔先出於已者先

不已若者至於若已則殆矣先出於已者亡所殆矣以此勝一身若徒以此任天下若徒謂不勝而自勝不任而自任也強之與柔二者易知也人所以未知者何即求勝之心多也即遇不如已者未足為強若遇敵於已者則常危矣以此心求勝一身一任天下也常如徒役無時自安若柔者在已下者亦不欲勝之況出乎已者耶人謂不勝而我乃自勝也自勝也粥子曰欲剛任故未嘗有失也老子曰柔弱勝剛強必以柔守之欲彊必以弱保之積於柔必剛積於弱必彊觀其所積以知禍福之鄉彊勝不若已至於若已者剛柔勝出於已者其力不可量老聃曰兵彊則滅木彊則折柔弱者生之徒堅彊者死之徒君子曰強梁者不得其死好勝者必遇其敵積德累仁柔之道也狀不必童而智童智不必童而狀童聖

人取童智而遺童狀衆人近童狀而疏童智狀與我童者近而愛之狀與我異者疏而畏之有七尺之骸手足之異戴髮含齒倚而趣者謂之人而人未必無獸心雖有獸心以狀而見親矣傅翼戴角分牙布爪仰飛伏走謂之禽獸而禽獸未必無人心雖有人心以狀而見疏矣庖犧氏女媧氏神農氏夏后氏蛇身人面牛首虎鼻此有非人之狀而有大聖之德夏桀殷紂魯桓楚穆狀貌七竅皆同於人而有禽獸之心而衆人守一狀以求至智未可幾也

夫異物之所親者神也神去則父子之親亦隔矣故居恐怖之夜與生物同字

則不懼者神有同也處平常之宅與死屍同室則恐矣神有異也則彼死我生猶是向時之形一安一懼者同

類去而形非親也而人不知含生之物神同形殊以爲
憂畏乃以狀貌同異以爲親疎者惑矣故莊子曰物所
齊有者爲神故神黃帝與炎帝戰於阪泉之野帥熊羆
爲養生之主也
狼豹羆虎爲前驅鵬鵠鷹鳶爲旗幟此以力使禽獸者
也堯使夔典樂擊石拊石百獸率舞簫韶九成鳳皇來
儀此以聲致禽獸者也然則禽獸之心奚爲異人形音
與人異而不知接之之道焉聖人無所不知無所不通
故得引而使之焉禽獸之智有自然與人童者其齊欲
攝生亦不假智於人也牝牡相偶母子相親避平依險
違寒就溫居則有羣行則有列小者居內壯者居外飲
則相携食則鳴羣太古之時則與人同處與人並行帝

王之時始驚駭散亂矣逮於末世隱伏逃竄以避患害
今東方介氏之國其國人數數解六畜之語者蓋偏知
之所得太古神聖之人備知萬物情態悉解異類音聲
會而聚之訓而受之同於人民故先會鬼神魑魅次達
八方人民末聚禽獸蟲蛾言血氣之類心智不殊遠也
神聖知其如此故其所教訓者無所遺逸焉春秋介葛盧聞牛鳴
知生三牲犧禹朝羣神舜百獸則其事也○案百獸下當脫率舞二字宋有狙公者愛狙
養之成羣能解狙之意狙亦得公之心損其家口充狙
之欲俄而匱焉將限其食恐衆狙之不馴於已也先誑
之曰與若茅朝三而暮四足乎衆狙皆起而怒俄而曰

與若亭朝四而暮三足乎衆狙皆伏而喜物之以能鄙

相籠皆猶此也聖人以智籠羣愚亦猶狙公之以智籠

衆狙也名實不虧使其喜怒哉含識之物雖同有其神而圓首方足人最爲靈

智耳智之尤者爲聖爲賢才之大者爲君王聖人隨才而任各得其宜無小無大各當其分既無棄人亦無棄

物籠之以智紀消○案張湛本作消釋文子爲周宣王

豈獨衆狙也紀消作消或作消所景切養鬪雞十日而問雞可鬪已乎曰未也方虛驕而恃氣

十日又問曰未也猶應影響十日又問曰未也猶疾視

而盛氣十日又問曰幾矣雞雖有鳴者已無變矣望之

似木雞矣其德全矣異雞無敢應者反走耳恃氣以自矜非必勝

之道也應物疾速如影響者爲物所轉未必自得也疾

視盛氣者機心未忘也唯忘形神全死生不知變者斯

乃無敵於外物也

惠盎見宋康王康王蹠足聲歎疾言曰寡人

之所說者勇有力也不說爲仁義者也客將何以教寡人惠盎對曰臣有道於此使人雖勇刺之不入雖有力擊之弗中大王獨無意邪宋王曰善此寡人之所欲聞也惠盎曰夫刺之不入擊之不中此猶辱也臣有道於此使人雖有勇弗敢刺雖有力弗敢擊夫弗敢非無其志也臣有道於此使人本無其志也夫無其志也未有愛利之心也臣有道於此使天下丈夫女子莫不驩然皆欲愛利之此其賢於勇有力也四累之上也大王獨無意邪宋王曰此寡人之所欲得也

刺不入擊不中也不敢刺不敢擊

二也本無擊之心三也使男女驩然愛利之四也惠益
如此四重取其上者何如耶故宋王傾意欲聞之惠益
對曰孔墨是已此明智以齊物崇教以化人皆道之餘事陟乎德者孔丘墨翟無
地而為君無官而為長天下丈夫女子莫不延頸舉踵
而願安利之今大王萬乘之主也誠有其志則四境之
內皆得其利矣其賢於孔墨也遠矣宋王無以應惠益
趨而出宋王謂左右曰辯矣客之以說服○案釋文寡
人也此崇道以明德垂跡以利人眾徒見孔墨之教傳
豈知隱道以彰德所以問津不羣於鳥獸此其大
也

列子卷二

嘉慶八年癸亥夏四月甘泉吳漣寫
江都秦伯敦父校刊計十九葉